

四庫全書

集部

欽定四庫全書

集部  
秋澗集卷十一

詳校官侍讀學士臣沈咸熙

侍讀臣孫球覆勘

總校官降調編修臣翁聖脈

校對官助教臣汪錫魁

謄錄監生臣吳炳文

欽定四庫全書

秋澗集卷十

元 王暉 撰

七言古詩

華不注歌

齊州山水天下無，樂源之峻華峯孤。  
秦鞭有力驅不去，天遣一柱標齊墟。  
初疑太素女媧氏，補天斷手茲遺餘。  
又如翠鳳翥郊藪，來應世瑞開昌圖。  
南山連絡雖可愛，

未免阿附相承趨孤撐直上夾石碣猛視大似天門驅  
慶封齊豹兩元惡哆嚙猶露雄牙鬚不然齊太史寃血  
凝碧老不渝化成直筆挿天外堂堂使表春秋誅乾坤  
乃有此雄跨未許鵲藥爭頭顱江山勝概儘軒豁遠客  
吟眺增躊躇李白上天不可呼雲烟變化何須史後人  
摹寫觀天巧百匝空遶青芙蓉文章李杜光燄在有詩  
無詩將何如我思齊晉迭雄長山靈枉被兵戰汚桓公  
九合猶霸事三周其下真誇諛會須扶策凌絕頂望入

蒼梧叫帝虞

釣竅泉歌

沈流峻發王屋顛世以獨達神其源不知悍駛勢所激  
玉虹那待馮夷鞭狀流渴馬穿厯背海眼洞徹開龍淵  
嘗聞棄糠黑灣復此出明見下與地脈相勾連雲魚吹  
浪雪濤湧鱗屋擊鼓春雷翻我初來觀冬十月陰火下  
煮陽池烟洪濛元氣東山作蒼江屈注倒景懸少陵拊  
掌嘆竒絕未若玉塔突起掀晴瀾天機幻出此怪供欲

洒飛雨清塵寰當年小白會水上春秋見書名不刊吐  
哉齊晉兩蠻觸千古事往風雲閒漢家包海歸一統霸  
氣何有諸侯壇清冷無復軟血汙鬢沸不洗陳恒姦我  
讀太史書風聲氣習隨山川齊人闕達多匿智政恐功  
利為當然安得此泉盡變作醇酎一醉浩浩還吾天

東坡海南醉歸圖

元祐諸人等圭璧司馬之相國柱石仆碑錮黨無不至  
棄若泥沙初不惜當時何有雪堂翁一斤南荒無復比

那知茲遊竒絕神所相海水天容清一色鐵杖橫秋瘴  
霧空新詩落筆魚龍泣楓香樹高溪雨濛醉挽黃衫兩  
頰紅多隨父老燕同社或喜契順來相從一朝竟作遷  
客沒造物未見哀龍鍾豈其中州淑氣到爾恐終絕故  
令著此眉山公

河水篇

庚申前三年予以事赴汴途中行值雪者三日時大  
河走凌因卧船蓬間聽河水拉船而下其聲瑟瑟可

愛嘗欲一詩執筆輒罷今日率爾得此殊適然也時  
至元廿二年秋七月廿一日也

大河凝寒冰走片岸深爭逐盤渦轉沙頭卧扁凍欲僵  
細戛船舷聲自顫幽人蓬底聞何清錚錚劍佩相磨鳴  
鳴如竹軒瀟洒帝半罇醉枕夢破風泠泠錢塘水樂世  
所愛求音寂寞將誰聽安得湘妃鼓瑤瑟波間細寫宮  
商聲朝來賦就河水篇胸中餘韻猶倏然浮聲切響何  
足異記我深津待渡年



短歌行

君自分攜今一紀疇昔四更來夢裏金鞍相值瘳陶南  
君亦遠回還故里酡顏喜意見眉間欲叙寒暄先稱椅  
君諱也相隨行過縣廨西指說民居昔何美邀臨甲第予

力辭亦為前征趣行李夢中不悟死生分別後寄聲無  
棄鄙探囊傾下粒粒香送余不到河之梁囑余南去路  
亦遠持此贈君為裹糧恍然形開無所見落月照屋空  
微茫蕭蕭春草宮牆綠暮雨梨花寒食曲樽前浩唱意

何長轉首先輸光景促我思夢境再目開君侯施施胡  
為來賦詩非欲徵後事今世死別真堪哀因見故人雖  
遠猶在當時懷

荒雞行

茆簷月落霜稜稜半夜起聽荒雞聲不知首唱自何處  
喔喔滿城爭亂鳴爾緣氣類司早晏乃今失職能無驚  
淒風吹空星斗黑漫漫長夜何時明萬事紛紜每如此  
不須劍舞蹴琨輿

龍在田詩

我夢長橋秋水落俯瞰澄淵見蛟鱔絳綃百尺卧彩虹  
足尾鱗蒼閃烟壑我因投石起幽潛不待雷轟隨奮躍  
神光照野驚在田驤首徐行蘄鬣角野人奔看若雲從  
洶洶呼聲動寥廓余方闔視女牆間走欲攀鱗不知却  
超危坦坦略無難歛墮崑梯叩丹閣寶香佛界幾龍龕  
萬拱千梁金碧錯恍然夢覺聽夜漏四鼓將闌更五作  
因車夢蓋此何因無乃吉徵先我覺龍為乾陽主善幻

既見禾田德施博乘高臨下近清光雖險當前無所遇  
行穿崑閭得金界動止其間為善樂援毫億度兼記時  
仲冬辛卯之夕歲在噩

讀五代史記作古樂府五首

楊柳枝辭

唐昭宗天復三年梁王溫辭歸鎮留宴壽春殿又餞  
於延喜樓上臨軒泣別因賜楊柳枝辭今亡乃為補作  
楊柳枝風吹何裊裊暖烟如織綠絲柔延喜樓前春色

好臨軒奏曲送行頻  
梁王重有回天勲  
一忠之外何復  
云安得高祖太宗之業如柳新

檀來歌

沉樓船下淮浦  
百萬豺豨歌且舞  
不殺降不掠虜  
吾君弔伐真湯武  
爾檀來不欺汝  
皞皞王風樂吾土

椒蘭怨

昭皇迫東遷  
望絕忠臣援  
堂堂雁門兵  
祗足速禍變  
帝酣長星杯  
醉魄迷椒殿  
神龍失水机  
上肉惡梟喙  
門夜

漏半龍興赤霧天為紅一竈三百皆皇宗唐家大業至  
此盡自古亡國未有若此之哀恫梁王歸罪將誰給奴  
輩雖誅天有在金祥殿空殺氣高賊珪白刃專相待

汜水行

五季權在兵逆順係財賄同光當宁能幾朝北雞司晨  
傾內外添都買宴物山積盡入掖庭充內費君王政荒  
優宦狎將相無辜恣誅殺蜀資百萬賊所徼縱有其能  
供近渴一夫夜呼汜水東絳霄樓頭兵反攻雍陵竟墮

所好死英武杳逐仙音空先皇有識如相問三矢雖還  
未克終

劉山人歌

劉山人黃鬚模糊衣袖襖著囊藥笈手自攜親詣宮門  
來省女將軍物色不少差其奈后方爭寵媼被驅吾父  
已兵死何物田翁來辱污椒房恩遇望遂空破帽東歸  
心痛楚長吁行念樂天歌不重生男重生女此事對君  
為妄語嗚呼五季皆天民人倫濁亂疎反親當時乖戾

同一氣天理何有劉山人劉山人莫悲泣伎方終老固  
賤貧却免誅夷為外戚

後飼牛辭

春半我田耕未辦兒童休稱牛力緩自冬皂養日已久  
當用猶羸功有間吾今勗汝汝則聞朝昏飲食無過勤  
兩家計口三百指一飽入手皆渠身三公投筆當歸畝  
况我本是蓬蒿人微茫烟雨孤村底思與天隨作近隣

春寒曲



家居對病妻書空吐怪事人生百歲能幾時風雨憂愁  
還半是一春寒光中傷人紅朋碧友潛酸辛今朝晴暖  
烏鵲喜寒食數日無多春脫巾自漉牀頭釀待與東皇  
共一樽

驅狼行

隔溪衆號呼驚視驅兩狼竄伏草莽間毛色隨蒼茫此  
物胡為來顧睨何揚揚我觀五行書據理論災祥吏貪  
政暴狼嚙人此說聞自蔡邕與京房近傳共縣東殺人

食路傍獸威孰擅恐自爾竿不擲刃良弓藏又云村墟  
去山邇羣行獵食為尋常豺狼當道無所畏野獸走墮  
何庸傷君不見漢家良吏龔與黃當年異績何章章嘉  
禾朱草滿郊藪麒麟鳳鳥爭翱翔

寶鴨歌

天雨新晴秋氣肅

時秋霖晴霽暗用賈誼  
宋昌訪司馬季主事

秘書遷住城

西曲入門坐定有餘清既領玄談出奇物翩然寶鴨立  
玉洲儘著龍香貯脩腹麝煤融液須臾間藍田春暖煙

生玉引吭不惜吐氤氲要徹天心穿月窟漢宮豈數博  
山高晉悞休談鵲尾禿劉著作勿輕出長慮王孫金彈丸  
醉中疑似來相觸

漢宣帝幸池陽宮圖

武皇雄吞老無已歲歲開邊兵四起嫖姚出塞屢策勲  
武繫陵降終國恥騰凌蹂藉五十年饗功歸到魯孫宣  
萬方解辨盡內屬龍庭南北無烽煙池陽五柞郊歌裏  
五日賜酺餘燕喜呼韓稽顙謁甘泉欲示雄誇先就邸

大陳還縱萬人觀豈獨珍奇紛錦綺歡呼歸作北庭藩  
萬代稱觴甥舅禮君王燕犒不知勞鸞旗直上中渭橋  
茂陵王氣如水清建章宮殿春雲高從此臨軒舒化日  
一聲宮漏出花遙

入奏行送右丞史侯

十年不見汾陽面萬里朝天來海甸神鋒照眼倚青冥  
黃色充庭明羽扇張燈開宴見談噓慘澹風雲餘百戰  
嚮來作牧與開府總道臨機能制變漢家六合頓宏綱

民事正煩真空便只緣報國忠義炯幾度恩綸回睿眷  
我識君侯禮數寬德威無地不交驩此行入見想膚奏  
大計不出兵民安兵民安古人念此良為難因思先相  
台衡日退食歸來事簡編

送雪堂南行

雪堂矯矯僧中英今年遠作餘杭行竭來過衛首謁余  
特以贈言為寵榮君不見韓潮陽昔交僧徒暢與澄詠  
歌序別欲傾倒祇以文雅為推稱不以阿師高義炯要

飛花雨到南溟

樂閒老人歌

努格總管姓伯特名繼昌以爾字行蓋灞陝舊將軍也今閒居鄧下自號樂閒老人聞予名甚喜詢所以襟抱有不期同而同者千里求詩此意不可孤也因賦是歌以贈庶幾酒酣耳熱後放聲而歌之猶足以見故家餘習云

浮生擾擾駒過隙守虜抱囚真可惜晦明光景一月間

開口笑談能幾日一閒未老方是閒已老謀閒何所及  
須信閒人是貴人束縛軒裳枯亡客况復筋骸血氣衰  
聖有嘉言戒貪得樂閒老人達此理自放閒身樂山水  
君侯年甫五十踰解官歸卧南陽廬風雲寤寐鞍馬事  
錦鞬脱落秋鷹孤飛揚跋扈竟何用此身健在閒為娛  
大弔挂壁龍在匣追逐弋釣須鳧魚有時逸氣蟠不盡  
猶擬去射南山菟君不見邵平東陵時何若瓜田心自  
如後堂種竹前圃蔬月下自理淵明鋤客來大笑猶有

事茶鐺煮月糟丘舖古人徃徃以樂老此意殆與君相  
符我今天地一佚老聞君此懷良起予何當杖屨與君  
約江山佳處身巖居半山喚起浮休仙窪尊一醉傾吾  
餘風流肯落六客後吟嘯常作三賢圖醉中為拈桓侯  
鬚君其樂矣歌嗚嗚

醉道士歌

秋九月二十四日子方曳杖出門有道士野服鷓冠  
倚立振下予邀坐階所瞪目視予者久之曰觀君風



骨蓋李唐人也心事好但蹤跡蹉跎多失事機可惜  
可惜雖然得年八十餘數八八後當有顯權予言可  
切記也飲之酒醺然而去時至元二十四年丁亥歲  
也因作歌以紀事其辭曰

門前落葉秋風哀麻衣道士從何來  
脩然倚立兩根下若有所諭心悠哉  
我因植杖邀與坐拂拭熊韋堂之階  
無言瞪目視余久徐謂風骨真文楷  
前生落拓晚唐士心事最好無纖埃  
所嗟蹤跡多後時勃率不顧羣兒  
哈

雖然得儒譽極廣八八而後聯星台呼兒沽酒與之飲  
勸以數行浮大杯醺然徑去不少顧恍若仙遇神為開  
當生所賦諒自知過望榮顯青黃菑書稱五福壽為至  
得到八十真洪崖生平夢異復此遇晚節無乃其行諧  
吾看浮世孰不死我已天篤培其才濁醪粗飯有餘幸  
過此以往非予懷君不見通都與大邑真仙往返時為  
偕蒼蒼雲路望不及為渠更上凌風臺

雙峯歌

士達察判攜手植檜小山見贈願博一詩為信生家  
傳其志殊可嘉也遂賦此歌并以其山奉還蓋詩非  
山無以見狀物之體山非詩無以表處靜之用抑又  
在彼猶在此之義也

金絲堂前雙檜碧氣幹凌雲三百尺蒼精久墮劫灰寒  
蟠柢輪囷堅似石枝條已蔭百王芳膏潤猶含三代澤  
土花漬啣又幾年為象為山豈多得君不見召公甘棠  
武侯柏時以兩賢為愛惜後人歌詠尚如此况是東家

手親植憶昔遊魯得餘材入手摩挲三嘆息信生為予  
好竒觀攜來比視吾家蟠泰山梁木方世仰何翅如到  
日觀秦觀雙峯間顧瞻巖巖儘足樂譬彼物有小大聖  
學俱能全此雖體微道則具終日儼侍參吾前古人尚  
行不尚說正可安靜如山然我今木朽不可雕後來聳  
壑爭昂霄君家兒子玉雪比好學說是神超遙還汝山  
聽我謠仰止茲木思惟喬學該本末貴通徹無使磊磊  
落落徒有拔俗之高標

過宋義墓

予往年東走魏過楚上將軍宋義墓欲作詩為弔而未暇今日與諸生講讀至義之本末前後諸儒略不見論說因賦此篇以發前賢之所未發者

秦兵西來勢莫當羣雄假義尊懷王我雖三戶秦可滅  
彼蟲可搏微者或莫傷將軍乘勢惡一掃當時籌策誠  
難量項家父子本強暴以謀制勝非渠長義雖去暴失  
之易一死竟墮貪如狼重瞳子何猖狂只知帳中竒兵

化青血不悟鉅鹿之戰開天亡風雲慘淡蛇作龍安得  
即過隆準翁使我目亂狐裘茸高陽酒徒號狂客醉中  
兩眼何其瞳攀鱗掉舌纔數語兩女輟洗來趨風英雄  
有時利不利俛首何限甘長終楚王店頭土一丘至今  
草棘荒烟愁我來弔古還一嘅西風黃鳥聲啾啾

中秋吟

中統二年予客上都館于太醫使王宜之家中秋夜  
伯祿宣慰攜酒相過同會者館主王文洎省郎宋庭

秀近人來索舊賦亂道今亡之矣因追作是詩以寄  
二年中秋客灤陽灤江陸海天中央秋風吹空一萬里  
誰復斫桂增清光年分秋氣無少陂但覺霜露非尋常  
玉繩滅沒澹鳩鵲衆宿何有爭光芒烟霄幸附應時翼  
佳節共下今宵堂鳳池鳴佩有餘暇白兔搗藥秋正香  
故人攜酒喜見過慰我久客同一觴謫仙杯杓思浩浩  
芙蓉城闕天茫茫眼中賓主侯與宋胡牀更對牆東王  
九遷初不羨時貴一醉徑入無何鄉人生相逢貴適意

浮世聚散真參商當時少陵客愛國心遑遑夜深飲散  
卧不寐醉聽金鑰鏘瓊琅夜如何其夜未艾被衣顛倒  
尋封章只今潦倒百事廢感嘆歲月徒悲傷書來索詩  
敘往事盛集難再須揄揚興來追作固狂斐念君久要  
曾不忘鄭重西樓花上月金波重約醉秋涼

花工王氏歌

城南劉郎攜斗酒與客來參秋澗叟當隅踈縮不敢坐  
王姓珪名三十九平生有技真可人好箇春風接花手



木翁奪秀孕黃婆轉眼紅朋栖碧友劉郎秀春趣已成  
徃徃豪家鬪招誘王生本出方技家品味神經無不有  
流芳轉入百花香豈比橐駝法堪取只今家住園田西  
小橋流水遮高柳會邀一醉百花堂要藉我書傳不朽  
我自東歸今五年小園栽種期幽妍城中糞壤雜瓦礫  
雖有美植何由蕃結根失所固可惜異品奚獨冰霜纏  
君不見芳蘭種不生惡草翦不去此事人間自今古田  
園子聽予語本根或撥非所宜一接千金戒輕與

河圖篇答伯明學官

河龍負圖自崑崙巖巖義畫出乾與坤聖昌拘幽演餘蘊  
六十四卦相氤氲姬情孔思本傳注行簡別出尊皇墳  
經從東漢亂古制綴合爻象為全文韓康輔嗣轉殺雜  
糅以莊老何紛紜東萊探蹟復古定太極既判二氣終  
然分女媧拊掌為驚絕天地再位開玄根易包萬象無  
不至若以一爻為一事其道反局而不伸考亭專以筮  
為主豈非天道似遠人事親當時厄火燎九地不爾亦

墮秦坑屯君緘越本遠見贈老眼一洗空花昏細披五  
贊得要妙餘作孰敢光爭新君不見行逢市兔具此理  
桶底有見為伊新作詩寄謝君應聞

風字瓦研歌示陳生

平生蓄研空纍纍其名曰端猶可嗤世間萬有珉作玉  
堅則墨褪軟則泥或濃或淡不成字終日與伍空嗟咨  
東家瓦研面尺五其狀宛似維南箕松風小試漲玄霧  
臨視黯靈羲之池朝來揮洒儘快意一筆掃出千蛟螭

東坡黼研不可見吐此朽壤爭神奇君不見莫耶神寶不  
適用補履曾不如囊錐

雷將軍歌

雷舉秦人家將種不學齊高賈餘勇溫然醜接逢掖流  
照眼容刀輝玉琫朔風憶捲關隴破西走巴渝為勢擁  
宋人重漢不內任閭責豪英制邊聳將軍守戍分劍關  
劍門天險石龍從當時一軍號安靖玠去重狺閭呼洵

余玠字義夫官至侍郎在  
亡宋時最善守蜀者也

龍旂西狩萬壁空石角此心

隨土拱天顏喜動詔賜金一日康侯三接寵盤盤大獲  
金湯牢雲間猛將鬚髯豪片言因壘引降出風義不減  
曹王舉蜀山破碎凱歌裏六軍喜溢秋天高破岡山頭  
望回旆小臣墮地空烏號囊弓歸來血洗箭又許拜舞  
趨新朝命妻賜第恩轉渥纔得主漕浮網艘憶昨先聲  
躡鼓輦只今騎馬似雞棲朝來攜酒過予飲細話往昔  
非余悲事機翻覆古如此一椽儼舍甘調飢我方讀詩  
至秦仲車鄰駟驥生光輝乃知風聲氣習遠自文武始

三五七  
卷十  
歌頌不到秦家非

革故謠

南城囂囂足污穢既建神都風土美燕人重遷朽厥載  
睿意作新思有泚一朝詔從殊井彊九陌香生通戚里  
煬城密邇不剗去適足囊姦養狐虺城復池隍莫歎嗟  
一廢一興固常理今年戊子冬十月天氣未寒無雨雪  
禁軍指顧舊築空郊遂坦夷無壅隔寂寞千門草棘荒  
佗年空有銅駝說我詩雖小亦王風庶配商盤歌帝哲

通漕引

漢家鼎定天西北萬乘千官必供億近年職貢仰江淮

海道轉輸多覆溺東阿距泉

清泉縣

二百八淪

關

西來與

清合安流取直民力省積水浮網纜兩日自昔河防爭

橫議祗辦薪芻不勝計宣防瓠子至今悲以彼方茲功

極細役徒三萬碁可畢一動雖勞終古利裹糧荷鍤去

莫遲行看連檣東過薊休說春潭得寶歌長笑韋郎空

侈麗從今粒米斗三錢狼籍都城樂豐歲

珍珠菓詞

有菓有菓名珍珠厥苞蔥翠二寸餘絕類王瓜未變赤  
紺瓢滋膩甘酸俱就中結核大于指狀似草麻色微紫  
遠供來自廣南州臣子獻芹心爾耳然觀夏賦皆邦用  
口腹所充須錫貢若論橘柚亦常材此物胡為勞驛送

當熊詞

戊子冬十二月廿五日聽韓陳二生讀通鑑綱目至  
中山馮太后事蹟壯其貞節感而作當熊詞馮元帝



健仔哀帝祖母也

漢家九葉時清晏帝拱深宮樂游讌魚龍萬舞閱來饜  
鬪戰雄觀臨虎圈老熊駭逸突笠出被髮攀楯來御殿  
昭儀散走虎士驚盛氣當前無少變大駕臨軒問物情  
斂容前對香雲顫妾聞獸猛得人止萬一不虞身殉難  
日華翻動喜歸來香飄合殿春風轉君不見東西兩漢  
五百載班馬徽音儘堪羨元城投壘馮當熊能以至柔  
馳至健大笑陳妃望幸心千金空買長門怨

東征謠

春涵物生廣芽孽中

闕

先王志忠獎馳驅鱗介

闕

海波騰沸聚使織怒鱗奔鱷歸

闕

渠魁谷

靜川空骨如莽今年復作欲盡殫逸德

闕

駭天吏孽

餘走死黑龍東詔勿窮追令自斃就中縱殺勢難分桑

婦畊夫同

闕

例天兵南伐六十年楚女吳兒供土婢欲

知天道

闕

覆心看取東人復為隸

下瀨船

家中之木同灰槁炎海波翻震天討彼交事大天理常  
歲歲卑辭倬虛表舟師陸騎問罪來力審難支施機巧  
彈丸所據五郡地瘴氣為災稱地利我來彼遁還則尾  
一弩千人不容避老天限作羈縻邦不以衣裳介鱗易

昔賢有戒是貪兵若論彼資才具翠

南越志尉佗將安陽王治交趾有神

人曰卑通造神弩一張一放殺越軍萬人後佗子始質于安陽王竊其弩毀其機馳報佗佗興師擊之漢

家聲教初無外下瀨戈船徵主帥一軍膽落陷泥湖二

萬選鋒同日敗裹糧載甲力有餘正坐無人作吾憐軍  
聲稍振需所援春水旋船可弘濟古人堂上有奇兵安  
得營平與動輦

征士謠

東風連日沙塵昏兵威掩盡春氣溫漢家武備徧九有  
南來探騎絡繹何紛紛今年十抽一北去千里起赴和  
林屯御河西岸殷牧野萬甲照水光粼粼觀容有使親  
閱實不許代名須正身神牙獵獵見吐靡精銳全是嫖

姚軍嫖姚出塞路幾千  
遠戰不過封狼山  
征人莫憚行役苦  
廟謀素具車攻篇  
君不聞王師有征古  
無敵何況強弩之末  
魯縞其能穿念渠愛  
惜腰間箭會聽長歌  
入

漢闕

天星行

天星蓬蓬若為崇  
彗掃長空徂吳位  
六龍推墮日車翻  
萬火分崩碎于地  
老天變色赤祲如  
西北絕天間狗吠  
行人匍伏羣雉驚  
凜凜甚于崩角畏  
君不見天星懸象

萬象精一物下亡一星墜春秋二百四十年字斗經天  
無此異不然大火示厥罰下慄人間為沴氣月寅歲丑  
丁酉辰東方向明時又寅老翁百歲見未曾何況地上  
蟻虱臣天雖高變雖大災反為祥果何賴正有德修知  
儆戒

雨木冰

晝冥冥雲族聚知氣滿

闕

作雨

闕

和

變而凝冰著樹巧裁細翦千萬狀

闕

翁縮頸凍欲僵  
辦着乾坤開大素  
其詳

闕

三朝古

說大官為最懼  
曦輪過午始消釋  
膏

闕

如雨泣少

陽為臣水即兵  
麟史書徵臣

闕

者五長雄此

事胡為兆今日

### 建春樓歌

頭春日長建春樓

闕

與東

闕

門香

層闕高揭富觀覽  
春潭照暎千帆檣  
吳商楚女莫空過

渠是京樣河馬西京張世間忘憂唯食飲越羅蜀錦空  
千箱登臨人具醉飽去共城齊氏真非常共城齊氏真  
非常

潛蛟行謝溫將軍惠石

溫郎少年姿潤秀好古探竒出予右叩門相訪得怪供  
鬼刻神剗未嘗有我欣植杖三摩挲秋水潛蛟見蝟紐  
何年囚鎖出禹穴不礫鬚牙驚水母毅然見贈初不惜  
澹癖憐予象江守深藏夜壑空有戒當畫兒童負之走



千金求買何所得一旦攜歸定非偶  
清泉湔被庸玉汝屹立花間冠吾  
圍蒼鱗照水勢若動口鼻哈呀欲  
鱷吼常疑尤物即神物隱伏地中  
諒難久宣和旂聚失所在却恐雷  
霆下來取一春病酒日欲眠忽得  
此峯如至友娉婷翠袖喜欲舞復  
訝舞仙來勸酒君不見九成論樂  
一夔足萬石不須誇柳柳人生意  
氣貴相傾走筆酬洒當瓊玖

重門行

瀟條共西野有域號重門重門幽幽深幾許齊芳歸藩  
何足云公卿老淚空沾巾天道好還非少恩青山斜照  
自今古禪陵西望猶比隣曹瞞楹吭忍不殺終我四百  
為虞賓乃云得之羣盜手吾將誰欺欺彼旻君不見鄧城  
南頭漢濁漉至今草樹淒無春

唐申王畫馬歌

花萼樓前閱庭實布乘黃朱笑羣辟奔虹凝露故家物  
詔寫真形出東壁申王大矯龍一種揮洒元精固無匹

龍池十日霹靂聲房駟無光韋偃泣千年事往失所在  
此紙流傳見真蹟明窓不厭百回看飛電流雲悵猶溼  
當年圖畫樂昇平轉首雲屯散榛棘儲皇纔藉河隴餘  
旋復廓清唐再闢物盛而衰固有時校以倉皇易為力  
漢家拓地封狼山萬騎騰凌已無敵更求駿骨張吾軍  
一綽風飛能事畢雖云中夏號雄強富不民強孰供億  
聖謨經世了不刊收卷入囊三歎息

秋澗著書圖歌贈畫工張仁卿

張生寫出秋澗圖先生胡為此遊居知余讀書樂幽寂  
况復野麋之性宜與水石俱西風蕭條秋氣餘浮雲身  
世將何如江籬託詠太哀怨老松卧壑甘扶疎逢時不  
作棟梁用且須著論希潛夫盤盤澗曲深幾許長衣遠  
泛知攸徂百川橫障使東往細大不擇羞潢洿考槃有  
歌誰與伍山鳥山花吾友于張畫師王宰徒雲烟落紙  
何舒徐吾今平居日已久為我作此真良謨平生未嘗學  
學焉於此初古人尚交無老壯要欲靜泊志可明而遠

可逾駸駸晚景幾桑榆不知此去澹泊得似畫中無目  
明神王骨相矍一丘一壑著幼輿畢此一事為成書此  
外何有於余乎此外何有於余乎

比集錄古今相  
業為調元事鑑

秋澗集卷十

欽定四庫全書

秋澗集卷十一

元 王暉 撰

七言古詩

題耆英圖奉呈子初中丞

張生好奇兼尚友古畫古書長在手欣然示我洛英圖  
便覺奎光生戶牖衣冠磊落十三人閒著一枰談治否  
堂堂文富兩具瞻天下倚安真大叟平頭七十是尋常

獨有端明末期壽方辭晚進不敢班列宿光中已瞻斗

北門易慮望佳招

王拱辰  
字君貺

千里馳書恨官守升平盛事

那得再夢寐席間把卮酒吾儕起敬當如何再拜乞靈

三叩首君不見西周文物稱全盛除却邑姜纔得九神

崧間氣萃此多周鳳魯麟紛在藪鄭郎繪事固入神自

是德星傳不朽我思仁祖慶厯中慶厯政有三代風斯

民皞皞樂其樂六合一氣開時雍扶持有位總是諸賢

功熙寧天子錯料事以忠為邪邪作忠放教公等在散



地擢置安石司羣工惠卿繼用二惇起當時何止驚三  
空嗚呼以人為鑑古所取安得獻此與論治道之污隆  
願君深藏勿輕出世代雖遠多青蟲

紫芝歌

繼胡紫山集瑞堂詩韻己丑秋八月有紫芝產陶戶  
朱良舍下凡五六本此最異者

陶坑削崖蝸作室和氣所鍾無不及非緣石澗木之精  
平地抽英昭茂德蓬窻一夕爛生光紫蓋形枝照鄉國

氤氳五彩畫不如駢秀連並瑩於漆考祥叻合農帝經  
表瑞無慚柳州筆老翁百歲見未曾醉捋蒼髯漫如戟  
郡人爭欲飲至和奔走來觀恐無及出門秋望稼連雲  
汝芝汝芝安所吉

圯上行

邳州道中作十一月初四午刻書於宿遷馬驛

楚兵東來殺為嬉烈火西捲騰颺吹為蘂驅爵恐過慘  
天賜漢以興王師憶初推秦天下震盛氣不折將徒為

泥中進履屈亦至不爾安制重瞳兒往年親視濟北石  
此日還賦圮橋詩神龍變化不復見仿佛鬼物來陰機  
素書三卷不必怪要本老子持其雌

題長江萬里圖後

稚年屋居三十春老境誰遣東南奔去秋有詔使持節  
此自邳衛官甌閩閩中水淺百味澹但覺草木多精神  
展放江山萬里圖卷中瀟洒似堪娛寄聲故國游觀客  
卜築蘇門儘可居

問吳臺辭

吳江宮殿尋無跡只見山蒼湖水碧步上高臺散客愁  
十月江南看春色曉風翠雨溼闌干簷花泣露宮娃泣  
欲遮愁烟問故臺愁烟無語空蕭瑟是邪非邪不必辨  
且為興亡求亂隙夜半娃宮作戰場總罪君王以色荒  
春秋責備大法在不道延陵退耕吳已亡聖賢處變貴  
達節審勢不得同曹賊當年秦伯終三讓明見丕承有

聖昌

南臺懷古

封君如遙裔重光麗無諸憶提越甲佐天討翦羸摧項  
開雄圖保邦事大需龐澤至今國俗猶薰濡石樽劔沼  
兩寂寞山川良是先生都越人感德知所尊簫鼓猶陳  
藻薦殷潮去潮來朝又暮花謝花開秋復春千年事往  
遺烈在草木凜凜來威神廟中筠簽萬有卜陳說禍福  
稱靈珍我因拜禱問來事繇辭灑灑何其真殊方遠宦  
乃氣數品秩雖到多遭迍正須耐辱安所遇不及拔出

東南閩生平行已半流坎雖老而壽猶朝紳鞠躬默謝  
神貺厚得遂歸隱餘何云我來正值羣祀日伎樂朝獻  
爭趨奔越巫紛拜靈欲駕冷風滿旆翻凝雲迴首舞臺

祠下路蕭蕭寒雨溼蒼麟

今廟基即漢高  
帝封冊臺也

### 游九仙閣

三郎百戰開閩國椽榭基圖專詐力二嬖恩光象服尊  
九龍帳設香雲溼朝參寶雲宮暮禮妖師席國事一從  
神所質九仙結構豈此時萬瓦鱗鱗跨空碧閣中景象

四時新往事如雲散無跡我來登陟縱遐觀一榻清風  
抵萬錢暫與塵襟豁煩滯橫欄直下看三山

雜言寄申隱信宣慰時在泉州近辱書過蒙遠  
問恹惚間不時奉答獲罪多矣人行謹以雜言  
為報奉別後一粲

蹇予元年東魯客初識君侯髮如漆平生豪氣樂新知  
一笑論交真莫逆涼風八月中秋節月滿金尊惜輕別  
邂逅溪堂又五年情好比前尤款洽高堂轟飲幾連明

四座歡呼倒冠憤當時樽前鬪年少豪邁不知家立壁  
興來為我掃雲烟思入天機妙無迹我識君侯此餘事  
落筆縱橫見竒策自是睽違三十秋只今同客嶺南州  
天涯牢落儘愁絕况復兩翁俱白頭書來慰我見安好  
細字滿紙紛銀鈎故園風物信如舊柳子初起為山囚  
春雲夢溼蘭苔翠壯觀雄翻海岳樓近從潭府閱家數  
筆力已復追營丘煩君吮墨留餘溢重為靈均作遠遊

中隱乃雲甫道號近于魏參政處看  
雲甫山水畫故云近從潭府閱家數



李夫人畫蘭歌

清閨堂深不知暑  
瑤草佳期夢玄圃  
孫郎笑折紫蘭來  
素影盈盈映脩渚  
李夫人澹丰容天然與蘭相始終  
剡藤一筆作九畹  
落筆不減江南工  
芳姿元與凡卉異  
曄曄况是湘纍藜  
離騷不復作遺恨  
千古沈幽宮  
君看此花有深意  
似寫靈均幽思悲  
回風君家大雅堂  
文采東野翁併入  
恹澹經營中  
秋風拂簾秋日長  
芳霏霏兮祀崇光  
澹粧相對有餘韻  
畫欄桂子空秋香  
淡軒託物明

孤潔五十年來抱霜節固知色相皆空寂妙得于心聊  
自適仿像湘娥倚暮花黃陵廟前江水碧生平佩服真  
賞音升聞紫庭非素心喚起謫仙搖醉筆為翻新曲寫  
瑤琴

李夫人名至規號澹軒亡宋狀元黃朴之女長適尚  
書李珣子早寡今年七十有二善畫蘭撫琴近為郎  
中孫榮父作九畹圖若與蘭為知聞也且自叙其後  
云予家雙井公以蘭比君子父東野翁甚愛之子亦

愛之每女紅之暇嘗寫其真聊以備閨房之玩初非  
以此為求聞于人也郎中以蘭省之彥一日來徵予  
筆遂誦點污亦何忍但覺難為辭之詩以應之孫求  
歌詩于子固樂為賦此者正取其節而不以其藝故  
也秋七月初吉秋澗老人題

雜言

我今行年六十五得至從心能幾許憂愁風雨每大半  
念至於斯足悲楚縱令得邁七十壽比老於心當悅豫

不然終日疲事役歿而後已真愚魯君不見人間聲利  
藏禍機迷着世人曾不知得之志揚失之沮一死如傳  
爭奔馳又不見朝花纔榮暮雨惡火竈方熾寒灰隨攀  
援高貴鄙卑賤得勢未必皆便宜至人大觀出世表肯  
為造物相調戲豁達一篇莊叟論太山毫末較來齊

福唐中秋對月醜劉端友見贈之什

少年愛月長苦吟賞玩不知清夜深擬揮玉斧手盡掃  
丹桂陰高歌起舞美清影直入月脇穿天心節序依然

人耄矣所事感懷無可喜少陵有淚涇金波歎息無家  
清夜美當時流落止鄜州况在甌閩數千里此夕常娥  
海上來謂三山距海九十里冰輪蹴踏驚四開牀頭有酒不復飲  
追憶少壯令人哀老人病骨防風露靜卧空齋深閉戶  
却從虛幌看清光四壁秋蟲饒夜語

題釣臺

至元二十六年己丑歲冬仲九日子自桐廬舍鞍鼓  
棹取道嚴瀨既午舣舟祠下登拜遺像肅如也歷觀

古今題記多論其形迹未有明先生之心者天下有二道出與處而已先生之起義明君臣順乎天也浩長歸氣信名節遂其志也夫三公坐而論思明是理而表萬方者也是則佐理之功多矣尚何為因留詩招隱柱間八客星閣眺羊裘軒降觀釣臺書院山光叢簇江流有聲若有以回俗駕而謝逋客也江行有程促之而去回望雙臺顏厚有忸少中大夫福建閩海道提刑按察使汲郡王某欽祗書

劉郎少年同几席繡裾朱衣稱謹飭六龍一日飛上天  
豈為故人談往昔嚴陵欲臣意有大隱何心學夷隘  
當時雖落物色中肯以三公易其介先生豈是烟波徒  
奕奕星芒動帝車一言稍峻得狂鄙况復好爵縻其軀  
君臣大義既明著助順又見懷仁書君房初不識微意  
尚欲求益何其迂一竿雖老桐江月儘著清風厲薄夫

洛中吟

有序

近讀邵氏所書洛中雜事撫卷三歎令人有不能已

者嗚呼五代間亂離相繼其否極矣生逢茲辰一何  
幸哉故孫樵有生恨不得為太平人良有以也因效  
康節謝溫公買園詩格綴集所見賦洛中吟一篇其

辭曰

萬方文物洽堯雍若論聲明極洛中地自榮南連洛北化  
從真廟到神宗總將六合清明氣散作三川禮讓風道  
統有傳程邵在勲名無比富文宗棚車載酒都人賞名  
教傳家習俗同花木四時春不老耕桑彌野歲長豐三



千步幃家雖侈十二行窩樂最融春酒泛香沽翠幙夜  
花和露買筠籠小車高閣期真侶魏紫姚黃擅化工愛  
育總歸君父聖論思不出廟堂公荆舒變法無暮月社  
稷垂亡到一空讀罷適然清興遠一簾花影曉光紅

竹鹿辭

并序

竹鹿出南海布哈拉國赤毳雪文狀若龜背然頂有  
雙茸歲蕤如珊瑚巨枝至元廿七年秋八月上進過  
福唐予獲見之昔梁武王遊兔園宴忘憂館命諸臣

賦苑中諸物文鹿其一也余因即其所賦攷之正此

鹿也因作竹鹿

竹鹿亦瑞獸頂有珊瑚茸素綦為紋闕

極

騰仙蹤颶風吹墮海洋闕

玉樹

青葱瓏攸伏日與羣牲從一則闕

道通君

不見漢武獲異獸非闕西南封迢迢茲鹿來漢道相比  
隆東南際海國萬數將見珠香犀象等物相率皆來同

游金山寺

我登金山江似練金山突兀神鼇扞樓閣參差四五層  
覆厯崖巔瞰江面壁間不見老坡詩空厯長廊瞻湧殿  
江山形勢互為勝直上金鼇窮偉觀徘徊久眺吞海亭  
海門兩點烟螺澱就中望處不爭多大抵蒼茫烟一片  
平生歌詠古人詩此日一樽償宿願攬牌纔過璞墓西  
水作磴痕風四轉放船北渡返東行一葉中流去如箭  
瓜州西北墮杳靄照眼鶴崖迫焦巘獨遊髣髴蘇公興  
冒險比方章子悞夕陽西下烟四起欲進何之退無畔

倒裝漁艇入荒村百計無由登北岸  
拖師失色都船驚  
暗觸江神豈予謹我為使者初不然  
先盡人為論事變  
力微艦巨酒半酣正坐忽焉遺此患  
金山雖奇極淵險  
洎老登危非所便書生氣習不一到  
慙慙此心孤所戀  
量非謝傅與婁相驚定老懷彌懍戰  
間關投宿野人廬  
因賦此詩為永嘆

至元庚寅冬予自福建北歸渡江作此詩未嘗示人  
逮大德己亥十年矣衛輝判官井君德常陞倅鎮江

來別因話及馬并索書此詩云歸刻寺壁以增江山  
勝概予謝不敢當然使讀者為遨遊之戒云

鬼車行

老車一身編九頭黑夜來過聲啾啾半空瀝血洒人屋  
所遭之家無空休窮光極惡煽威虐妖孽幾徧江南州  
奸黨蔽事莫能發百計捕逐無緣由聖王明見萬里外  
一網掩來同治罪憶初百鬼擁行車此日行車載孤鬼  
琅璫繫頸纏車軸涕淚淋淋不時哭死聲宛轉尚嘔啞

晝夜催行不停轂  
路人借問欲何之  
詔赴行臺加顯戮  
揮刀鬻食快衆心  
奔鯨四沛無遺育  
萬里歡聲動大江  
百城歌舞喧華屋  
我思善惡人自取  
禍福不應深倚伏  
寸心少慊獲陰譴  
天網大刑敢輕觸  
為誠兇人不足心  
鬼車罪例猶禱机

派民嘆

我家本燕雲  
未省離鄉國  
前年一霜秋  
稼空望入田間  
禾穗黑忍饑  
猶待下年收  
一澇高原水  
三尺人生重遷

乃本心一餒催人忘南北水採無菱芡山收闕橡栗雖  
云生處樂之物得生活扶攜遠趨河南豐道路無資日  
行乞毳衣穿結杖蒿藜氣力凌兢雙脰赤我聞堯水興  
湯旱民免流移少損瘠不出九年畊長有三歲食朝家  
勸課儘憂勞只為有名多少實常平嚮為前省壞義廩  
近年無廣積江南最苦過都錢更著營司日騷屑營司  
已罷民力蘇大府兼農制徒設掾荒發廩最上策近井乃  
能療近渴君門萬里安得知作詩代洒流民血

南樓行送信御史佐鄂岳行院

武昌南樓跨空碧滿目江山猶往昔笑拋霜簡佐行樞  
去作南樓幕中客羌予游宦江之南江南軍務多踈濶  
摘差押取固多弊甚是養威并練習十羊九牧苟非人  
未免因緣出枝節卒然警急幸無事若論罪功孰褒黜  
就中貧難最可憫孀婦盲翁死應絕依然名姓在軍書  
按籍未徵豈容說唐兵六十即放免七十一丁令侍側  
當時貞觀開元間三代仁風畧無別幸今守戰有專職



整暇虞奸正今日兵惟禁暴本衛民不致侵漁乃良策  
蠻陬溪洞既荒遠顛拑其間不無孽奮軍新附用得宜  
以彼為政易摧折前年盜起江西東千萬為羣恣衝突  
只緣浪戰乏總戎還使民殘兵耗力請君諍此能一行  
四院規模自吾出此時乘月庾南樓談笑胡牀能事畢

五色鸚鵡歌

滄溟浴日麗火荒飛走衣被昭回光隴禽鍾秀更奇絕  
翟翬絢煥紛天章越裳野雉太縞素上與朱鳥參翱翔

卷十一  
環玉得之不敢愛為是珍物歸天王山川迢遞來林邑  
護送慇懃飼紅粒海樹雖殘舊宿枝君門萬里承恩入  
香瑣金籠暖御烟盡日充君眼中物一鈎紅背儘多知  
兩葉翠衿真聚鷗六宮共說鸚鵡嬌天使傳呼供內職  
且莫低回訴苦寒卿雲長捧蓬萊日

福星行

河南雨足餘三尺河北嗷嗷千里赤河南穀麥賤於土  
河北齊民有饑色爽氣空吹五日涼火雲不散三農泣

天有貴神名太一前歲人傳豫州域連年大稔風雨時  
全是福星照臨力幸今六合入提封聖上同仁視如一  
又聞天下猶一身氣脈周流體能適福星福星宜憫斯  
少分餘溢霑河土

白鹿嵬歌

太行西來萬馬奔嶺嶂橫截摩青雲山陽西北望鹿嵬  
突兀絕似東山墩孤撐直上幾千丈雲烟覆露垂天根  
憶初夸娥擔負分太華萬古雄跨諸峰尊有懷孫公和

自是物表人半嶺騰鳳吹萬壑飄游氛纏身雖有一丈  
髮以火保耀先吾薪嘗嗟中散寡於識三載堅扣如無  
聞當年清嘯杳何許此日乃有由巢隣苦齋老清而敦才  
豐識遠兼多文人見長松偃蹇卧雲壑豈知浩浩之氣  
藏彌綸有首不頂丞相帽有足不踏公卿門詩來三復  
有餘馥如茹秋菊紉蘭蓀平生尚友挹苦節逸興特愛  
淵明真不居城府盡高尚况欲卷迹同其倫白鹿菟高  
輪困望之可仰不可親徜徉終歲竹林下回視七子徒

紛紛回視七子徒紛紛  
東坡云孔子不取微生高孟子不取於陵仲子惡其不情也陶淵明欲仕則仕不以求之為嫌欲隱則隱不以去之為高飢則扣門而乞食飽則鷄黍以迎客古今賢之貴其真也

### 瓊華露酒歌

酒之為齊釀法先趨生玉粒聽其然百方百醞品各異  
要以色味清為賢井君出職光祿寺容止醞藉涵清妍  
朝來相過憐哀翁開樽小酌何從容銀罌細寫疑匪酒  
玉色照眼清如空停杯題品賞超絕瓊枝湛露吹天風

一酌氣馥烈再酌心沖融憶初蜀使分餘瀝老頰不到潮  
春紅為君三咽儘鯨吸便覺輔安五臟夷三蟲吾聞此  
術煮酎法連罌氣化開鴻蒙多君屢製轉精粹儀狄拊  
掌驚神工橘中游戲商山樂玉薤策勲俱妄作浩歌為  
約飲中仙世間原有揚州鶴

有狐篇

黃蒿古城人絕迹有狐綏綏出復沒近郊夷曠兀兀靜  
獵食無求蟄無窟依憑城社歲月深羣犬噤聲畏不逐

或曾為孽化而人漢有曹瞞楚奚邱蒼形雪面妥彗尾  
氣出陰邪餘譎詭振毛出大嗥黑夜竊食人家翻盜錡  
鬼行曾臆神不容彼為一饑還爾耳况今白晝雜人居  
厥兆有占羣小侈郡侯執德儘勝妖要絕其根心乃已  
老姦急捕驚脫兔遺育燻夷滌腥穢彼狐微物徒妖訛  
朝來一掩虞人羅叔敖殺蛇韓逐鰐公等去狐誠可歌  
張網埋輪非不問事有難易先重科人面獸心當若何

罩魚歌

稻秧針如溪可揭春水桃花魚失勢野人乘捕趁農間  
風暖溪深張水戲輕舸前漾撒巨網後擁罩竿遮兩際  
大魚赤鯉如有神一夕雷風先遠逝終朝罩上盡常鱗  
柳貫壺攜不餘棄行觀窟宅幾一空河伯波神為恻悴  
君不見天生萬物盈兩間物物資人供所嗜用唯有節  
取有時食不能勝非小惠山不幽來水無阻智出羲皇  
結繩害上焉神理下物情以類相通無過舉於戲三代  
根此心後世胡為棄如土東軒歸夢二李生我夢何辜



遽如許

風狸行

風狸出桂海厥狀即獾狨晝伏如蝟縮夜躍衝樊籠咄  
彼乳與溺愈疾收竒功或云識風候飛行半空中置之  
危樯顛順勢蹲西東越人豈此異遠進燕山宮不思汝  
悖疾持此以自攻愾然效順如狸聰交州况復七縣地  
枉著螳臂當車衝南風不競汝親見戈船下海驅羣龍  
聖皇神武包九有任土之物皆吾實養之如春涵如海

留待

緬

其

非

温郎

眼底

暮臨

聲教所暨開唐封汝不聞蕭梁天監間林邑之范觀天  
風審知中天御明主一旦職貢應來同茲焉罔念從爾  
耳嗚呼彼狸何所庸

賀君玉林兄得重孫

共山老仙號虛白未老而閒見高節琅琅玉骨隱含滋  
散入雲仍衍遺澤林兄今年幾八旬飲啖行步餘精神  
阿元游宦已通貴慰眼又見元之孫犀錢玉果蘭湯溫  
洗教啼泣吾試聞充閭之氣當煜煜繞牀阿堵莫輕動

金定

擊

螺

為

回

坐

眼

上

他年讀書用

二俊歌

并序

管溫卿蓄一鶻一犬每出獵不即則已即則必獲  
一矢一願以羔見償予以二者雖自籠養指嗾中來  
俊無留賞其何能爾作二俊歌以美之其詞曰

少年少溫如玉老作獵師知所蓄不勞赤羽膳千夫  
韓盧手中鶻太行東麓雲雪岡飛鞍鳴鞘幾馳逐  
不省錦鞍空獵獵霜風靜三窟我觀二俊固奇毛

以無虛指縱力數朝解鞍何所從鎖牕弄筆圍春風  
白不到眉嫵秀鶴翎細抹丹砂紅會當捋鬚賞不凡  
石一醉琉璃鍾

題任南麓畫華清宮圖後

并序

回有閑閑公題詩作擘窠真書蓋與畫世為三絕此  
公初藏于僧遜公繼為媯川松公所寶興定初松間  
鬪兵亂中保持與歸燕都今為子英家藏至元廿四  
斗楊示予披玩者累日嘗欲賦一詩以發偉觀竟以

事未暇今林谿歿畫復在燕不知且歸何人隨閱釜水  
集見公題詩偶書此以償宿昔初弗計其不自揆也  
廿八年冬十一月十四日秋澗老人序

三郎年耄誇精健歲歲華清事游宴玉蓮湯殿浴行雲  
傾城幾顧環兒倩一掬游塵散馬嵬餘波不浣香囊怨  
龍巖畫筆寫興亡墨花暈出真仙傳謫仙辭翰兩起色  
媿以任公世三絕我昔西遊不到秦披圖空夢驪山月  
林谿家藏什襲珍楊生已歿歸何人護持當有松公神

和東坡聚星堂雪詩韻

天風一夜吹枯葉清曉開門驚天雪  
林林萬木凍已僵  
漠漠長空來不絕南晦能滋壠  
麥肥東牀任使琴絲折  
玄冥用壯見肅殺疫氣迎春盡  
消滅少年雪獵狐兔羣  
夢寐鞫鷹思一掣凍封窟  
宅龍挺蟄色晃書帷  
繒失纈  
中庭食飽方散步行視春泥思木屑  
一冬三白積餘威  
不比尋常應時瞥炎涼一氣不自如  
苦樂人生有難說  
羊羔金帳暖如春布被藜牀冷于鐵

鷄蹠劍歌

前年官閩中偶遇牛斗客醉解胯下劍壯我遠行色劍  
名雞蹠來岷峨鐵花鎔出雄雩多似連還斷斷復續蒼  
精含景爭橫羅南游萬里非浪走彈缺豈為無魚歌飛  
空欲作黃鶴舉劈浪下斬岳江鼉誰期兩事俱大繆歸  
來挂壁如陶梭吾哀物壯終汝悞不見漢相劍佩紛相  
磨春雷奮蟄當如何春雷奮蟄當如何

飛廉館瓦研歌

洛邑西遷漢靈泣一炬南宮三月赤飛廉鍛翮化青鳧  
老瓦淪胥何所得太陰凝魄祕興亡土花千年不敢蝕  
劉郎杳杳秋風客神鳥冥飛憶初格豹章爵首尾蟠蛇  
建章千門風冽冽磨礪頭入孤園收劍淬松聲聽蕭瑟  
墨花供筆發幽光長日玉堂生五色張華博物見初心  
笑泚玄泓為渠說昭陵柏城初覩汝十五年來莫渠別  
護軍紀漢明有書應劭箋形更精潔道初在邇求轉遐  
半世看書眼空纈冲霄持贈有深意淡癖憐予如任俠



一朝入手與神會過戶不知吾屐折嗚呼三代不復見  
兩漢規模儘堪說寶藏宜與瓦礫殊隄備有人來眩篋

清霜怨

日落偶過吳郎家入門兩欄姚魏花金盤洗粧都幾日  
已覺鬢亂釵橫斜韓卿秉燭惜佳麗便恐翠袖倚竹空  
春華鶴翎紅糝玉蝶粉墮髻睡美吳宮娃我欲問花不  
解語何故忽爾令人嗟東皇醉著初不問青女潛妬飛  
銀沙花神斂袂避陰慘駐顏何有仙人砂京師名圃花

不少今歲閒殺遊春車客懷豈獨被花惱俗事擾擾驚  
無涯西風巷陌塵障面酒樓寂寂空簫笳我因未事得  
閒在盡日飲客煎溪芽天教世務不挂口遮眼幸有詩  
書葩時時弄筆散幽滯錢裹忘計東坡又為花作譜見  
哀感自笑思澀頤空呀因聲寄謝紫山老落落高舉凌  
青霞

賀雨詩

并序

通惠河自壬辰秋間治至今年夏六月中穿土未已

時方旱暑氣極熾兵民頗困于役是月二十日有司  
請少間以紓民力首相主減役止留軍夫五千庭議  
已下而雨作盈尺賦賀雨詩以紀其事

一畝泉深龍滙碧遠引入城通大液不緣蝦口洒郊塵  
又匪弘農獻琛璧稻禾流脂粟米白歲與饑民豐粒食  
靈臺靈沼須民力并力一勞思永逸今年旱氣罩火傘  
赫赫焚如驚赭赤萬人雲鍾揮汗雨薰染經時不無疫  
有司陳請避炎輝役敢辭辛時少息已聞停議出中堂

未午朋陰翁東北都城一雨幾尺餘何俟巫吁而霄盡  
浮蜥天人相感本無間金鉉調元不多術誠心公道即  
天心元氣洪濛開太極餘糧栖畝禾滿載御廩天困若  
京積夕陽澹濫斗門深一片波光連畫鷁

題中山劉壽翁九十五詩卷

按部過中山憶嘗謁王丈眼明欣見百年人談麈詞鋒  
轉清亮故都喬木幾秋風精力有餘無少恙盤盤定武  
古戰國耆舊例多神所相于今又得劉家翁人說殆與

王大同康寧好德九十五篤實外著心和沖世事不挂  
口外物不役躬軒冕真倘來眎若雲浮空子孝以志養  
家溫樂時雍固云賦予厚亦自存養功常笑鷄窠祖雖  
見九世宗不食又不語壽齊彭錢安足顯何如此老人  
雙瞳炯如兩耳聰子孫滿前樂融融歲時燕喜北潭綠  
常日睡起東窓紅稱觴宜有貽詠背祝噎不用鳩為筇  
行聽鄉閭尊二老丹青蘭若見儀容

送李蕭二君奉使安南

李仲賓假部侍郎蕭假  
部郎中蕭隆興人以神

童出身

字平則

安南九城海中吐黑誌殫丸良最爾扼吭控背相篡弑  
正倚大邦為表裏畏天事大自前王念彼人臣以忠至  
先帝包荒不遐遺南北肯分同赤子歲時宣諭極忱誠  
都護諸蕃殆三紀豈惟璽書意曲盡錦幣殊恩兼藥餌  
至仁臨御海波平銅鼓聲沈邊四牧父恭于前子遵後  
臣子於焉正其理前年奉表餘翠具再歲象奴紛異議  
執迷託故謂來庭彼孰能欺自徒馭先皇赫怒安遠人

邊將請征思一洗秋風少約茂陵寒已復夷遷空越鄙  
嗣皇龍飛擴神武盡雪前愆昭曠度兩階首舞有虞干  
正以自新開彼路皇元一氣包六合榻外他人非所慮  
豈有父子一家還異趣使華重照鬱林光積懼懷恩深  
悔悟二奉使心何闇逢時吐氣思經綸縱橫正有三寸  
舌不在犀翠充庭珍嗣皇仁聖自天眷又非人力之所  
能德澤如海涵如春彼交雖眇宜知聞眼穿一宥盼已  
久去去莫緩都亭輪

繼翰屬詩韻昨觀諸君光  
和所謂眼中有鐵皆  
勅敵也復為滲漉以見鄙懷

蹇予一生空濩落心侶  
虛舟藏夜壑誰教浪走半九州  
潦倒不容停兩脚前年尺一遽  
呼起峻以文階深自愕  
投閒置散乃分宜未免老為文字  
縛青綾被暖玉堂清  
鷓雀何為集阿閣太平典策不緣  
麟顧我削書寧不作  
滿牀堆積簡編青其奈曲江雖老  
林甫惡

礮硯詞

并引



予家藏風字斂硯石色斲手二者佳甚所患褪墨略  
不得色聞師道吾友有奇石善勵鈍發銳能一斲治  
亦太玄之一助也遂作詩以懇之其辭曰

硯之同功甲與鋌試之敵場惟利堅其或不爾安用焉  
咄嗟此斂肌理妍和光挫銳今幾年本圖殺墨不任入  
殆似兩鏡光相研聞君有石善礪鈍武昌赤砥鋌龍泉  
碧絲吐鋌漜玄酒濡首亦快張家顛我今白髯玉堂客  
結習未了文房緣自憐癡絕渠復爾堆積音漬汗簡何由

前倣抑正賴公和賢

秦山圖

秦之為山何峻雄西連太白東華峯特隆天府樹巨屏  
固蓄積祐開郃封黍離變雅西周東雲烟幻出肴函宮  
不信詩書顓法制百二山河纔兩世後來漢唐亦盛代  
文物雖多終霸氣千年事往遺跡在留與來今鑒成敗  
君不見烽燧臺羯鼓樓祖龍墓在山東頭丹青比興雅  
頌作畫史固是非凡流半生薄宦走跋跋每恨西遊不

到秦我今年老百事懶唯有懷古一念心猶存嘗聞雪  
滿秦山圖天機貌畫終南真又聞髯張醉裏頭挿筆洒  
徧人間雪色壁西溪君范華原嗚呼二者不復作令人  
氣短心茫然一朝全秦大物忽當眼著我如在龍首山  
之顛卷舒巨軸閱幾年兩都喬木今蒼烟其歸有數開  
有先昔藏壽國今聰山二公異世俱稱賢畫兮畫兮得  
其傳

送曹仲堅赴建寧路教

武夷書院今畫圖建安林館鄒魯如攷亭文公宋世儒  
主盟大學持文樞六經要是平治基上際圓蓋蟠方輿  
正誠兩字有抵力皇皇仁義真亨衢人倫大統既攸叙  
不爾天理私慾同一區先生去世初未遠得私淑者君  
其徒昨聞赤牒下建府圓冠喜動甌閩隅君今見秩八  
品貴官守言責一事無育材不闕學田粟插架剩有官  
樓書講經會課有餘裕修己繕性深涵濡今之所教教  
以此而彼所授授以歟仲堅世系乃華胄出入鶴蓋垂

文魚箕裘幸不失素業儒林振藻今璫璵友于誰似君  
家樂鴉荐重看入石渠

雁門公子行

鴈門山高幾百仞風土雄尊號全晉李侯年少出紉袴  
裘馬輕肥冠時俊古來豪俠數幽并柳子不徒誇晉問  
塞予三歲東州客塵滿青衫鬢雙白書生無策伴侯鯖  
尺蠖泥蟠甘退縮此時同君在幕中  
時君居史公幕下  
佐理邦經大有力  
馬袖手旁觀駭超越條籠脫落不受羈意表出奇人巨

測健于義鷗快一擊霜翮拏雲鷲無敵愛君肝膽向人  
開遇事剖析無留材世人刺梗塞靈府米事挂眼生嫌  
猜丈夫所貴氣為主行義不虧誠可取區區心計簿書  
間束縛疇非抱官虜春光澹沲東湖亭素筍濁酒攄離  
情豹藏深霧出竒質未害蹉跎魯客卿我懷井谷君陰  
積葢代聞涂鄉五十戶一語為生存子孫衍慶宜英偉

鬱鬱其能久于此

伊蘇呼密行省四川辟公員外郎大  
展其用後授順天宣課大使甲戌年

任成都路防城軍總管乙亥  
冬卒于成都得年四十有八白帝城高玉壘深定秦戈

甲紛西鄙民政兵機兩肅然當時豔豔東西川公不少  
留我涕漣洗心棲寂中和篇空餘遺愛歌臯賢一別人  
間三十秋又從圖畫挹風流至今劍北羅江道往往旌  
旄見出遊

見鄉人王小五子羅江縣道中囑以家事公既沒蜀人至今思之精魂如此

### 泉石雙松圖

江烟霏霏江雨溼滿壑秋風蕩虛壁何生雖老筆有神  
寫出雙松蔭泉石君看磊落橫澗枝黑入太陰凝積鐵  
它時不作澗窟虬定向風巖聞虎裂頰君什襲為深藏

金  
本十一  
隄備六丁來電掣

江南道

江南道翠竹晴沙靜如掃風霜終日畫圖間不覺行人  
暗中老笑行人自枯槁名利誰能死前了我行貪路發  
五更馬上人看亂山曉聽聞猿聞越鳥總道先生歸去  
好只緣老病日相仍非為知機辨之早清時正有一閒  
高天涯何處無芳草

贈五星鄒宜齋



建安山水何瓌竒宜齋氣稟宜清夷天星飛跳括萬命  
落筆一副無藏機蹇予歸舟次甌寧子孺病卧咄可驚為  
予刺口論灾咎火頭亭尾相纏嬰推原根植甚安固五  
日而後知和平疾勿藥言果徵願丐一詩為發明我今  
憂國渠試聽去年越寇何縱橫竭來赤囊日三捷分崩鼠  
穴逃餘生此時脅從弗與殊玉石併燬真無辜腰間縱  
有五真劍坐視罔救空長吁煩君拭目維南斗此去妖  
氛可盡無

湘中後怨至元十八年歲辛巳冬十月按事順  
德晨起燈下讀沈下賢文集偶賦此或云鄭即

子春也

洛橋曉月光朦朦彼姝嬌啼橋水東鄭生早發與之遇  
挈去媵御甘長終霧綃烟縠已懞恍九歌招魂皆楚風  
一朝謫滿與鄭談云是蛟娣非凡庸岳陽樓高花映紅  
滿筵歌舞鮫人宮海市蜃樓看不見倚雲望入湘江空

摩莎辭

我從洹東來枯皮滿疇人駐馬驚問之云握摩莎根摩  
莎一斗春為塵聊飫飢肚充朝飧雨自南來至趙止彼  
壤可游茲若焚東西跬步間乾潤堦兩分龍公執雨機  
行事太不均野人前致辭荷鍾立偃僂翻淘此物又將  
空戀戀無他為鄉土一飢濱死不足慮大稅今秋何所  
取用帖猶來徵事故

街東宅效樂天體嘆暴貴而戒貪得也

街東萬宅瓦新晴雲煙披拂青粼粼滿堂歌吹樂新貴

豈知賀者在室弔在門根株已為鬼所斧藻棟竟起高  
比隣古云暴貴不祥事巢覆未省雛能存俄聞斲棺招  
隱隱應有籍入無疏親福由積善尚恐失忍用陰適戕  
其身作歌為飭附炎子未必貧賤非高人

碧玉瑯枕歌壽王承旨

君不見靈壽賜孔光俾之扶哀杖于朝安車起申公未  
免遠駕趨旌招我思碧玉瑯枕貺養老之意更比西京  
饒宛如大士冠馳送下九霄春水藉紅牙當晝凝不消

寵光照室幾千丈寶華璫粲翻雲蛟人間有眼未省見  
况用顯異張吾曹先生大年八十一視聽不減神超遙  
先生節操玉比德先生文章匪玉瑀以言以行國所仗  
明堂大鼎須待調聖皇丙夜不安寐作行尚復思羣豪  
漆園蝶栩栩不到赤烏夢與周公邀荐賢行見及遺逸  
莊嚴七寶先瓊瑤從此鹿菴春更好怡然高卧養松喬

淮西行送湯侯宣慰廬江郡

淮西風土高且涼桐波悠悠帶陵岡流俗勁決喜戰鬪

自昔尚農今重商今人違我百餘載况復限隔為邊荒  
八州隸轄勢亦重慰宣正爾咨忠良君侯磊落識已久  
吐論能與時低昂上承下接不須慮幽逃澤及先痕瘡  
兵今畏法民有食鎮以簡靜無更張丈夫遠役存事業  
治公如家功可量行行旆旌指淮甸弩臺曉日翻春陽  
憶昨傾蓋長安陌一笑軒豁生輝光功名有在心未已  
相顧但惜鬚眉蒼打門來辭興不淺思有以贈因吹楊  
別來不用作酒惡梅花滿枝休斷腸會把一麾淮海去

與君終歲約徜徉

黃鵠下太液池歌贈張詹丞子有

君不見西京全盛時黃鵠飛下太液池  
雄聲東來蕩鳧鷖波濤千頃翻琉璃  
菊裳肅肅金為衣至今樂府留歌辭  
只緣罕見稱祥輝較之世用將何為  
張侯家住太液傍寵眷久沐恩波光  
金閨時彥推獨步大冠修劍明月璫  
烟花鶴禁正縈繞翩如彩鳳鳴  
朝陽張侯本是濟時傑游刃有餘歸  
以德津津和氣粹眉宇皎皎水壺湛胸

臆兩都巡撫歲有常守護無虞嘆先識臨機益辦固餘  
事端本澄源更超逸潭潭詹府開兩坊春桂香濃露華  
溼鄭莊好客未足多桃李公門半簪紱况今六合梟鸞  
分霜風靜野惡木寂太平有望公等事為國荐賢時所  
急顓顓士論問還期它日明堂須柱石昔聞黃鵠下太  
液今覩池邊威鳳集作歌自笑贈君侯一片野心猶戲  
灸

海燕蒲萄鏡歌贈趙克敬



趙郎少年有澹癖扶古搜竒曾不息神京陸海魚龍窟  
入市驚呼得玄壁何年軒鑑覩天巧百鍊陰精開素質  
玉臺人去玉燈滅洞映千秋猶有日粉膏銷盡漢宮香  
昔像冥薰臘茶色翩翺海燕喜春晴的皜蒲萄泣秋碧  
寶奩才拆走神光秋月橫江露華溼森然毛骨溢清寒  
野魅山精墮幽泣藏明入晦古所尚物不將迎汝之德  
土花鎔澀學妖慕桂影團團恣吞蝕照人似惡太分明  
俯仰取容非我職蹇予行年五十七落魄功名尚南北

青衫拂拭照衰朽增進一階真可惜鑑裁不到魏文貞  
金鏡輸誠志當畢趙郎從傍抵掌笑識拔羣材有時特  
悽然斂衽問鏡神我髮何由黑如漆

和張鵬飛詩韻

魯公平生書百碑衆筆腐朽驚神奇長沙大笑稱老賊  
當時未必為真知太師忠義膽身大寓意於書忘弔賀  
君不見路逢碧落三日觀一字未厭書萬過

秋澗集卷十一